

## ERASMUS+ Međunarodna kreditna mobilnost (International Credit Mobility - ICM) –Mobilnost pojedinaca za studente i osoblje u institucijama visokog obrazovanja

O čemu je riječ?	<p>Više od 30 godina, Evropa je finansirala Erasmus program koji je omogućio više od 4 miliona evropskih studenata da provedu dio studija na drugoj evropskoj instituciji visokog obrazovanja. Erasmus+ sada otvara ove mogućnosti za studente i osoblje iz drugih dijelova svijeta. U okviru Erasmus+ ključne akcije 1, „Međunarodne kreditne mobilnosti“ (International Credit Mobility - ICM), institucija visokog obrazovanja iz partnerske zemlje može poslati studente i osoblje na drugu partnersku instituciju visokog obrazovanja u programskoj zemlji i obratno.</p>
Čemu služi?	<p><b>Koristi za studente i osoblje:</b></p> <ul style="list-style-type: none"><li>• Podrška studentima u <b>sticanju znanja, vještina i kompetencija</b> u svrhu jačanja njihovog <b>ličnog razvoja</b>;</li><li>• Podrška <b>profesionalnom razvoju</b> osoblja koje je zaposleno u oblasti visokog obrazovanja u svrhu inovacije i poboljšanja kvaliteta podučavanja i obuke;</li><li>• <b>Jačanje znanja i kompetencija stranih jezika</b>;</li><li>• Podizanje svijesti i <b>razumijevanja drugih kultura i zemalja</b>, pružajući priliku za izgradnju <b>međunarodnih mreža kontakata</b>.</li></ul> <p><b>Koristi za institucije visokog obrazovanja:</b></p> <ul style="list-style-type: none"><li>• <b>Jačanje kapaciteta, atraktivnosti i međunarodne dimenzije institucija visokog obrazovanja</b> kako bi mogle ponuditi aktivnosti i programe koji bolje odgovaraju pojedincima unutar i izvan Evrope.</li></ul>
Koje su mogućnosti za saradnju?	<ol style="list-style-type: none"><li>1. Mobilnost studenata između programskih i partnerskih zemalja</li><li>2. Mobilnost osoblja između programskih i partnerskih zemalja</li></ol>
Koje su mogućnosti za studente?	<p><b>Mobilnost za studente svih ciklusa u svim disciplinama:</b></p> <ol style="list-style-type: none"><li>1. <b>Period studija</b> u inostranstvu na partnerskoj instituciji visokog obrazovanja (od 3 do 12 mjeseci)</li><li>2. Praksa u inostranstvu u preduzeću ili nekom drugom relevantnom radnom mjestu (od 2 do 12 mjeseci)</li></ol> <p>Studenti mogu studirati u inostranstvu u ograničenom periodu i steći određene kredite. Po završetku perioda mobilnosti, studenti se vraćaju matičnim institucijama i</p>

Koje su mogućnosti za osoblje?	<p>završavaju studije. Studenti mogu primiti EU sredstva kao doprinos njihovim putnim i životnim troškovima tokom boravka u inostranstvu.</p>
Koje su mogućnosti za osoblje?	<p><b>Mobilnost za osoblje:</b></p> <ol style="list-style-type: none"> <li>1. Period podučavanja: ova aktivnost dopušta osoblju iz institucija visokog obrazovanja da podučavaju na partnerskim institucijama visokog obrazovanja u inostranstvu u bilo kojoj akademskoj disciplini (od 5 dana do 2 mjeseca za osoblje iz partnerskih zemalja, isključujući period putovanja)</li> <li>2. Period obuke: ova aktivnost podržava profesionalni razvoj osoblja (akademskog i neakademskog) kroz treninge u inostranstvu (isključujući konferencije) i period posmatranja/obuke na partnerskim institucijama visokog obrazovanja, ili drugim relevantnim organizacijama u inostranstvu (od 5 dana do 2 mjeseca za osoblje iz partnerskih zemalja, isključujući period putovanja)</li> </ol> <p>Period u inostranstvu može biti kombinacija aktivnosti podučavanja i obuke. Osoblje može primiti EU sredstva kao doprinos njihovim putnim i životnim troškovima tokom boravka u inostranstvu.</p>

## O ERASMUS+ STIPENDIJI

### ŠTA JE TO ERASMUS+ STIPENDIJA?

**Erasmus+ stipendija** podrazumjeva mogućnost studiranja izvan granica Bosne i Hercegovine uz finansijsku podršku na partnerskim visokoobrazovnim institucijama. Stipendija je dio aktivnosti ovog programa kroz **međunarodnu kreditnu mobilnost (International Credit Mobility – ICM)** koja podrazumjeva ograničeni period **studiranja** u inostranstvu (u skladu sa tekućim studijskim programom na domaćem univerzitetu) odnosno **predavanja i obuke** za akademsko i administrativno osoblje.

### KO MOŽE DA UČESTVUJE U ERASMUS+ MOBILNOSTI?

- **Studenti** prvog, drugog i trećeg ciklusa studija Univerziteta u Bihaću;
- **Akademsko osoblje** Univerziteta u Bihaću: u svrhu **predavanja – teaching** (redovni profesori, vanredni profesori, docenti) ili u svrhu **obuke – training** –(asistent, viši asistent, lektor);
- **Administrativno osoblje** Univerziteta u Bihaću (u svrhu **obuke – training**).

**Napomena:** Mobilnost osoblja odnosi se na boravak zaposlenika matične institucije na instituciji domaćinu nakon koje se zaposlenik vraća na matičnu instituciju.

Osoblje u mobilnosti uključuje:

- osoblje zaposleno po osnovu ugovora o radu na Univerzitetu u nastavnim i saradničkim zvanjima;
- nenastavno osoblje (administrativno-stručno osoblje) zaposleno po osnovu ugovora o

radu na Univerzitetu;

Spoljni saradnici koji su zaposleni na osnovu ugovora o djelu, tj. nisu angažovani na osnovu ugovora o radu sa Univerzitetom ne ispunjavaju uslove za mobilnost/financijsku podršku u svrhu boravka na inozemnoj visokoškolskoj instituciji (Pravila o mobilnosti Univerziteta u Bihaću, član

30. <https://www.dropbox.com/sh/vcasvndn6yy6rd/AAAbU5HNTjiHENnulFoKlCdia?dl=0&preview=3.3.1.Pravila+o+mobilnosti++na+Univerzitetu+u+Biha%C4%87u.pdf> )

---

## KO NE MOŽE UČESTVOVATI U ERASMUS+ MOBILNOSTI?

- osobe koje **nemaju više status studenta/zaposlenika** na Univerzitetu u Bihaću u tekućoj godini (npr. studenti koji su završili studij),
- studenti Univerziteta u Bihaću koji su **već iskoristili mobilnost u ukupnom trajanju od 10 mjeseci** u okviru jednog ciklusa studija.

Ovaj vid razmjene dostupan je samo studentima, nastavnicima i saradnicima koji su upisani/zaposleni na Univerzitetu u Bihaću u tekućoj godini. Mobilnost se uspostavlja na osnovu bilateralnog, odnosno međuinstitucijskog sporazuma između Univerziteta u Bihaću i partnerskog univerziteta iz programskih zemalja.

U tekstu javnog poziva je naglašeno za koga su namijenjene stipendije definisane u međuinstitucijskom sporazumu (neke stipendije ne podrazumjevaju sve cikluse studija, ili npr. akademsko ili administrativno osoblje nije uvijek uključeno).

---

## KOLIKI SU IZNOSI STIPENDIJA?

Erasmus+ stipendija uključuje:

1. **finansijski iznos** (unaprijed definisan)
  - za studente na mjesečnoj bazi
  - za osoblje na dnevnoj bazi
2. **putni troškovi** (unaprijed definisan)

Viza, dozvola za boravak i osiguranje nisu obuhvaćeni ovom stipendijom, te je stipendista dužan da ove troškove snosi sam.

---

### **(1) Finansijski iznos**

#### **STUDENTI**

Iznosi stipendija za troškove života za studente (BA, MA, PhD) Univerziteta u Bihaću su između **800 i 900 EUR mjesečno**, zavisno od troškova života u *programskoj* zemlji u koju odlazi.

## AKADEMSKO I ADMINISTRATIVNO OSOBLJE (STAFF)

Akademsko i administrativno osoblje sa Univerziteta u Bijaću ostvaruje pravo na dnevnicu za troškove života između **140 i 180 EUR dnevno** (zavisno od troškova života u *programskoj* zemlji u koju odlazi).

### (2) Putni troškovi

Putni troškovi stipendista su isti za studente, akademsko i administrativno osoblje i pokrivaju se do određenog iznosa zavisno od udaljenosti od matične institucije do institucije-domaćina. Maksimalni putni troškovi su izračunati prema udaljenosti između dvije institucije, a iznosi su dati ispod:

- između 10 i 99 km: **20 EUR po učesniku**
- između 100 i 499 km: **180 EUR po učesniku**
- između 500 i 1999 km: **275 EUR po učesniku**
- između 2000 i 2999 km: **360 EUR po učesniku**
- između 3000 i 3999 km: **530 EUR po učesniku**
- između 4000 i 7999 km: **820 EUR po učesniku**
- između 8000 km i više: **1.100 EUR po učesniku**
- između 8000 km i više: **1.500 EUR po učesniku**

Ovi iznosi su izračunati na osnovu kilometraže između institucija, koristeći isključivo "[distance calculator](#)" kao jedini priznati izvor informacija. **Napomena:** za računanje kilometraže uzima se udaljenost od tačke A do tačke B u jednom smjeru (ne uzima se povratna udaljenost).

Lista univerziteta sa kojima Univerzitet u Bijaću sa kojima je moguća razmjena studenata, nastavnika i administrativnog osoblja:

No	Naziv visokoškolske institucije	Programske države
1	Cukurova univerzitet	Turska
2	Univerzitet u Varšavi (istekao ugovor)	Poljska
3	Nova de Lisboa univerzitet	Portugal
4	Islamski univerzitet u Rotterdamu	Nizozemska
5	Univerzitet u Milanu (istekao ugovor)	Italija
6	Univerzitet u Valenciji	Španija
7	Univerzitet u Vroclavu	Poljska
8	Univerzitet u Mariboru	Slovenija
9	Lleida univerzitet	Španija
10	Mare Nostrum konzorcij (Alagrove univerzitet; Nova de Lisboa; Evora univerzitet; Porto univerzitet)	Portugal
11	Primorska univerzitet	Slovenija
12	Silesian tehnološki univerzitet	Poljska

13	Nova Gorica univerzitet	Slovenija
14	Kütahya Dumlupınar univerzitet	Turska
15	MusAlpaslan univerzitet	Turska
16	Antalya Bilim univerzitet	Turska
17	Ondokuz Mayıs univerzitet	Turska
18	Tehnički univerzitet u Sofiji	Bugarska
19	Politehnički univerzitet u Portu	Portugal
20	Univerzitet u Ankari	Turkska
21	Poitiers univerzitet	Francuska
22	Vyautas Magnus univerzitet	Litvanija

Za sve dodatne informacije o ovom programu i njegovoj realizaciji na Univerzitetu u Bijaću možete kontaktirati Erasmus+ ICM koordinatoricu – Almu Bosnić na email: [alma.bosnic@unbi.ba](mailto:alma.bosnic@unbi.ba)